

金匱要略編注

張仲景金匱要畧卷十六

構李沈明宗目南甫編註

驚悸

寸口脈動而弱、動卽爲驚、弱則爲悸、

此以動弱之脈而定驚與悸也。驚從外入，悸是內發而動，脈屬陽，外邪入於心包，心氣躁盛，血脈不寧，邪正相搏，則脈動而爲驚也。弱脈屬陰，心氣不足，而血亦不能榮養氣血兩虧，包絡之火以挾外邪搏動，則悸。或心氣虛而無外邪，腎水上凌亦悸。故曰弱則爲悸。悸者，心神恍惚跳動，不能自主之

貌也。然驚與悸皆屬於心。所以診脈同於寸口。但辨動則氣病爲驚。爲實。弱則血病爲悸。爲虛也。心下悸者。半夏麻黃丸主之。

此外感心悸之方也。悸病雖屬心虛。然致病之因。有水停心下者。有心包血虛火旺者。有腎水陵心者。有痰飲上逆者。各各補瀉不同。此因外之微邪。襲於心包。以挾內飲所致。故用半夏滌飲。麻黃通陽散邪。然老痰非此不能開豁。所以用之。

半夏麻黃丸

半夏

麻黃 等分

右二味末之、煉蜜和丸、小豆六、飲服三丸、日三服、

### 吐血

大酒客、飲者必致吐血、此因極飲過度所致也、

酒爲熟穀之液、其性大熱、經謂因而大飲、則氣逆、逆則濕熱蓄聚於胃、下流傷腎、而挾相火上薰、傷肺、肺傷則欬、欬則氣亂、不能攝血、則吐血、所謂極飲過度所致、當先清酒毒、勿治其血也、

寸口脉弦而大、弦則爲減、大則爲芤、減則爲寒、芤則爲虛、寒虛相搏、此名曰革、婦人則半產漏下、男子則

亡血、

註見虛勞論中

夫吐血、欬逆、上氣、其脈數而有熱、不得臥者死。

此陰氣素虧、外邪傳裏之吐血也。心包血分受邪、則氣逆不能主血、血熱妄行而吐血也。心氣既逆、並挾陰火上刑肺金、則欬逆上氣、然陰虧則火焰而挾表、故脈數有熱、乃真陰已竭、陽無所附、氣逆上升、故不得臥者死。

心氣不足、吐血、衄血、瀉心湯主之。

此心氣受邪、而爲不足也。心爲君火、而主血、風火感襲、擾亂營血、卽心熱而絡脈溢也。然心火亢極、血熱妄行、肺氣不能攝血、故吐血、或衄血、所以大

黃黃連黃芩統瀉三焦實火俾邪去而血自寧用  
火製方名曰瀉心湯也

瀉心湯

大黃

二兩

黃連

一兩

黃芩

一兩

右三味以水三升煮取一升頓服之

吐血不止者栝葉湯主之

此寒邪傳內吐血而出方也外寒傳入心包經  
之血不得歸經則吐血不止故用乾薑芩藥平熱  
散寒而行瘀血使邪去則血自歸經矣然血既  
不止則血必火炎故以栝葉養陰之正馬通元

瀉浮逆之火而爲助也

栢葉湯

栢葉

三兩

乾薑

三兩

艾

三把

右三味以水五升取馬通汁一升合煮取一升分  
溫再服

師曰尺脉浮目睛暈黃、  
翳未止、暈黃去、目睛慧了、知  
翳今止

此外感風熱致翳也、肝竅開於目、腎水華於睛、肝  
腎陰虛而膀胱之氣亦虛、故致尺脉浮、目睛暈黃  
者、乃風熱挾火、擾害手足陽明經絡、迫而妄行、而

致暈也。然風氣通肝，肝風熾盛，故目睛暈黃，知暈未止，若暈黃去，乃邪氣解散，不迫於上，則目睛慧了，知暈止矣。

又

曰：從春至夏暈者，太陽；從秋至冬暈者，陽明。

此火旺水虧致暈也。春夏諸陽氣浮於外，而手足太陽經絡亦在於外，手太陽小腸屬火，足太陽膀胱屬水。然水衰火旺，邪逼肺氣，致暈應補足太陽而瀉手太陽，故當從太陽而治。秋冬陽伏於內，手足陽明經絡居內，手陽明大腸屬金，足陽明胃屬土，土金氣虛而不生水，邪熱內淫於金，則暈應補。



陽明而瀉太陽故從秋至冬屬陽明也

病人面無色無寒熱脉沉弦者○浮弱者○手按之絕者下血○煩欬者必吐血

此辨衄下吐血之脉也面無色即面白而無神氣也蓋血隨氣轉氣行血行氣虛不能統血上華於面故面無色邪入於內而外無寒熱故脉沉弦沉爲氣虛兼鬱弦屬中虛衛結然衛陷於血血隨陰火上行經絡虛處而出故衄也○若面無色而脉浮弱者浮爲陰虛弱爲陽弱按之絕者氣不攝血血垂降聚於腸胃則下血矣○若面無色脉浮弱

技之絕者、乃陰陽皆虛、而氣不攝血、則下血矣、然龍雷無制、上衝陽道、擾淫於心、則煩淫、肺則欬欬、則氣逆於上、血亦隨之而上、故吐血也、

鄭家不可發汗、汗出必額上陷、脉緊急、直視不能瞬、不得眠、註見傷寒太陽篇

論曰、經云怒則氣逆、甚則嘔血、因傷肝氣而不藏血也、少陰所謂欬則嘔血者、木虛不能制火、陽脉之逆也、肺脉搏堅而長、當病唾血者、木火盛而刑尅肺氣之衰也、悲哀太甚、則包絡絕、陽氣內動、發則心下崩、數溲血者、心胞自傷也、陽絡傷則血外

溢血外溢則衄血陰絡傷則血內溢血內溢則後  
血者概言衄吐下血各有所傷之關鍵也以上皆  
是內傷臟腑而致吐衄血也仲景拈出寸口脉弦  
而大弦則爲減大則爲芤減則爲寒芤則爲虛寒  
虛相搏此名曰革婦人則半產漏下男子則亡血  
者乃以革脉發明後天中氣虛而木勝尅土之失  
血也又曰吐血欬逆上氣其脉數而有熱不得臥  
者死乃傷先天陰氣吐血之劇證也酒客欬者必  
致吐血乃酒毒傷胃所致此皆世所不言誠補內  
經之未備耳而以瀉心湯治風熱之吐血栝葉湯

治寒傷營血之吐血、此明外感吐血之兩大法門、  
俾人熱者寒之、寒者熱之、虛者補之、實者瀉之、不  
可一概混以滋陰、而爲定法、但內傷僅言脈證、而  
不出方、欲人反覆推明其義、則當補瀉而補瀉之  
也。

### 下血

下血、先便後血、此遠血也、黃土湯主之、

夫人五臟六腑之血、全賴脾氣統攝、健運流行、則  
肺氣通調、血隨氣轉、會於鬲俞、而統分臟腑、週身  
經絡、是無瘀逆之患、其或統運失常、胃氣不和、逆

而○上○行○血○隨○氣○轉○則○吐○血○若○胃○氣○下○陷○則○血○亦○隨○  
之○下○降○而○爲○便○血○矣○此○先○便○後○血○者○乃○因○饑○飽○先○  
傷○脾○胃○氣○虛○下○陷○因○虛○而○受○寒○濕○流○於○小○腸○血○瘀○  
氣○滯○相○隨○化○物○之○氣○傳○入○大○腸○渣○滓○前○行○而○下○血○  
繼○後○行○而○出○所○以○先○便○而○後○血○故○爲○遠○血○卽○小○腸○  
有○寒○其○人○下○重○便○血○是○也○故○用○甘○木○健○脾○養○胃○竈○  
中○黃○土○同○附○子○以○燥○寒○濕○而○溫○脾○氣○使○脾○溫○則○健○  
運○如○常○而○腸○胃○之○邪○得○去○則○便○血○自○止○地○黃○阿○膠○  
以○養○陰○血○但○慮○附○子○辛○熱○過○傷○庚○金○以○黃○芩○保○護○  
除○其○陽○熱○耳○

黃土湯

甘草

地黄

白朮

附子

炮

阿膠

黃芩

各三兩

竈中黃土

半斛

右七味以水八升煮取三升分溫二服

下血先血後便此近血也赤小豆當歸散主之方見

此大腸濕熱之蓄血也。大腸乃主清肅傳道之職。而濕熱之邪蓄聚大腸。血瘀不行。小腸傳化渣滓入於大腸。則大腸所瘀之血前行。至於直腸。故先血後便者為近血也。故以赤小豆味酸氣寒。當清

血分濕熱當歸養血則血得歸經兼驅其風以漿  
水酸寒清熱收斂而止血也

### 胸滿瘀血

病人胸滿唇痿舌青口燥但欲漱水不欲嚥無寒熱  
脉微大來遲腹不滿其人言我滿爲有瘀血○病者  
如有熱狀煩滿目乾燥而渴其脉反無熱此爲陰伏  
是瘀血也當下之

此辨瘀血脉證也設氣分受邪壅逆痰飲搏結而  
致胸滿者則當煩躁氣逆喘滿不應唇痿此胸滿  
唇痿乃血瘀於胸故滿不榮於唇則唇痿唇痿者

卽○淡○白○而○不○燥○也○血○凝○上○焦○則○舌○青○氣○滯○化○熱○則  
口○燥○漱○水○不○欲○嚥○然○邪○居○於○血○故○無○寒○熱○氣○虛○不  
能○統○血○內○瘀○不○充○於○經○經○脈○失○血○故○脈○微○大○血○滯  
而○氣○不○獨○行○故○脈○來○遲○卽○芤○虛○之○狀○也○假○令○氣○分  
熱○盛○則○腹○脹○滿○今○腹○不○滿○而○言○我○滿○者○乃○外○雖○不  
滿○內○臟○血○壅○氣○滯○而○脹○故○言○我○滿○知○是○瘀○血○矣○  
○  
如○有○熱○狀○者○非○真○有○熱○卽○煩○滿○口○乾○燥○而○渴○如○有  
熱○狀○耳○然○脈○無○洪○大○數○疾○爲○反○無○熱○但○脈○與○證○寒  
熱○不○合○是○非○氣○分○受○邪○乃○血○滯○不○行○而○陰○伏○於○內  
是○瘀○血○也○既○有○瘀○血○則○當○下○之○卽○犀○角○地○黃○抵○當



湯丸之類也

張仲景金匱要畧卷十六

條

張仲景金匱要畧卷十七

構李沈明宗目南甫編註

嘔

夫嘔家有癰膿不可治嘔膿盡自愈註見厥陰篇  
先嘔却渴者此爲欲解先渴却嘔者爲水停心下此  
屬飲家嘔家本渴今反不渴者以心下有支飲故也  
此屬支飲

此以嘔渴之先後審欲解與痰飲也若因他病傳  
來之嘔嘔則津液去而邪亦隨嘔而去但胃膈乾  
燥則渴故先嘔却渴爲欲解若邪氣入內與痰飲

貯積於中，阻抑陽氣，熏喉而渴，則渴而欲飲，飲則外水內飲，滿而上逆，故嘔。謂先渴却嘔，爲水停心下，是屬飲家矣。夫嘔則必傷津液，謂嘔家本渴，今嘔反不渴者，是飲停胸膈，制其內燥，故反不渴，爲屬支飲。又以嘔後渴爲邪解，不渴爲停飲之辨也。

嘔而胸滿者，茱萸湯主之。

方註見厥陰篇

乾嘔吐涎沫，頭痛者，茱萸湯主之。

方註見厥陰篇

乾嘔吐逆，吐涎沫，半夏乾薑散主之。

此胃寒之方也。肺胃氣虛，則寒腎陰反乘於胃，故乾嘔吐逆而吐涎沫，卽難經腎邪入脾爲涎邪從

所勝來者是也。但無木邪上逆高巔，故不頭痛胸滿。其病尚淺，僅宜半夏滌飲止嘔。乾薑溫胃，漿水引入陰中散寒足矣。

半夏乾薑散

半夏

乾薑 各等分

右二味杵爲散，取方寸匕，漿水一升半，取七合頓服之。

嘔而脈弱，小便復利，身有微熱，見厥者難治。四逆湯

主之。

方註見厥陰篇

嘔而發熱者，小柴胡湯主之。

方註見厥陰篇

諸嘔穀不得下者小半夏湯主之

方見痰飲中

此痰飲多而致嘔之方也。外邪內入而嘔必自飲食稍進。此痰飲多而外邪少。拒格胸胃之間。氣逆而穀不得入。故用生薑散邪。半夏以消痰飲而止嘔逆。

嘔而腸鳴心下痞者半夏瀉心湯主之

此寒邪入裏致痞之嘔也。寒邪傳裏與痰搏結成痞。居於心下。然痞屬陰。邪壅逆。風木清陽之氣不和。反逆於胃。則嘔胃逆。下注於腸。則作腸鳴。故用瀉心湯。參甘薑棗補胃和中。半夏以滌痰飲。乾薑

溫中散寒，芩連以清氣逆，標化之熱耳。

半夏瀉心湯

半夏

半斤 洗

黃芩

乾薑

人參

各二兩

黃連

一兩

大棗

十枚

甘草

炙 三兩

右七味以水一斗煮取六升去滓再煮取三升溫服一升日三服。

乾嘔而利者黃芩加半夏生薑湯主之。

此木邪乘胃也。木邪乘胃上逆則嘔，下行則利。今乾嘔而下利者，外之風寒相合，胃中痰飲搏結，上逆下注，故以小柴胡湯去走表之柴胡，倍半夏生

薑和中而滌飲止嘔然嘔則氣逆故去人參加芍藥是乎土中之木也

黃芩加半夏生薑湯

黃芩

三兩

甘草

二兩

芍藥

一兩

大棗

十二枚

半夏

半觔

生薑

三兩

右六味以水一斗煮取三升去滓溫服一升日再夜一

嘔吐而病在膈上後思水者解急與之思水者猪苓散主之

此嘔吐飲去以防內燥之方也痰飲阻抑胸膈挾

邪上逆嘔吐故爲病在膈上吐後思水乃外邪與  
胸膈痰飲已去故思水者卽病解矣猶恐餘邪內  
伏而成胃熱膈燥則當急與以救胃中津液是杜  
膈消之患所以白朮安胃和中二苓通滲胃家內  
伏之邪使從膀胱而去卽首卷渴與猪苓湯之義

猪苓散

猪苓

茯苓

白朮

各等分

右三味杵爲散飲服方寸匕日三服  
論曰中上二焦氣虛脾胃受邪而上逆則爲嘔爲  
吐爲噦經謂食則嘔物盛滿而上溢則知胃爲嘔



之總司。乃脾失健運之常爲本也。又有他臟傳邪致嘔。經謂陰氣在下。陽氣在上。諸陽氣浮。無所依從。而嘔者。乃陰邪盛而入胃。格陽上逆之嘔也。足太陰病。舌本強。食則嘔。胃脘痛者。脾濕化痰而失轉運之嘔也。肝所生病。胸滿嘔逆者。木邪乘胃上逆而嘔也。腎脉微緩爲洞。洞者。食不化。下嗑還出。乃腎氣虛而胃關不利之嘔也。胆液泄則口苦。胃氣逆嘔苦爲嘔。膽膽邪乘胃而嘔也。以諸詳之。則臟腑傳乘明矣。金匱謂癰膿而嘔。先嘔却渴爲欲解。先渴却嘔爲水停心下。嘔家本渴。今反不渴爲

心下有支飲者嘔而胸滿者乾嘔吐涎沫頭痛者嘔而脉弱小便復利身有微熱見厥者嘔而發熱者諸嘔穀不得下者嘔而腸鳴者乾嘔而利者嘔吐而病在膈上後思水者乃以表裏陰陽寒熱虛實痰飲標本而補內經之未發故當內經金匱合參則備矣

吐胃反

跌陽脉浮而濇浮則爲虛虛則傷脾脾傷則不磨朝食暮吐暮食朝吐宿穀不化名曰胃反脉緊而濇其病難治

此診跌陽則知脾胃氣之虛實也。浮爲血虛，瀉爲氣滯，血虛氣滯，故脈浮而瀉，而浮則爲虛，虛乃脾胃虛，爲虛則傷脾，然營虛而致衛氣亦虛，氣不獨行，爲脾傷則不磨，而脾既傷則胃氣亦傷，脾胃兩傷，故宿穀不化，則津液聚結化而爲痰，留滯中官，則朝食暮吐矣。蓋朝食屬胃氣稍旺而能食，脾虛不運，則暮吐，暮屬脾氣稍旺而能食，胃虛不納，則朝吐。所以朝食暮吐，暮食朝吐者，當分脾胃陰陽之虛實而治也。但脾胃脈當和緩爲平，此見緊瀉賊尅之脈，故爲難治。

寸口脉微而數，微則無氣，無氣則營虛，營虛則血不足，血不足則胸中冷。

此上焦營衛俱虛而胃反也。寸口主氣，微脉見於寸口，是上焦氣虛，謂微則無氣，芤氣虛則邪火妄行，脉即數矣。蓋血隨氣轉，氣行則血行，此衛虛不布於胸營，亦不隨濟於上，謂無氣則營虛，但營虛則血不調，氣虛則胸不煖，謂胸中冷，胸冷則不化穀，以故胃反也。

問曰：病人脉數，數爲熱，當消穀引飲，而反吐者，何也？師曰：以發其汗，令陽微，鬲氣虛，脉乃數，數爲客熱，不

能消穀胃中虛冷故也。脉弦者虛也。胃氣無餘朝食暮吐變爲胃反寒在於上。醫反下之令脉反弦故名曰虛。

此治外感發汗傷陽誤下傷胃皆變胃反也。脉數爲熱胃熱則當消穀引飲而反吐者乃因他病發汗致傷胸膈之陽謂陽微膈氣虛而膈氣旣虛邪反不去客熱狂走故脉數數屬客熱也。然中焦元氣亦傷胃中正虛不能消穀所謂胃中虛冷脉弦者胃虛也因木火邪旺則土氣衰弱胃氣無餘脾不健運胸膈氣虛不能攔阻食氣上逆故朝食暮

吐變爲胃反。若寒邪居上，醫反下之，徒傷胸胃之氣。木陷土中，亦致脈弦。胃反，令脈反弦，故名曰虛。謂胃膈之氣虛也。蓋有不因汗下而得胃反，亦因木盛土虛，中上二焦氣弱者，同故仲景引之，而互明也。

病人欲吐者，不可下之。

此上虛欲吐，毋更虛下也。膈中氣虛，兼之脾胃受邪，其機上逆，所以欲吐。若下之，而違逆其機，更傷血分，則病變無窮，故不可下。

胃反嘔吐者，大半夏湯主之。

千金治胃反不受食，食入卽吐者，外臺治嘔心。

下病  
鞭者

此偏痰多之方也。胃反本於營衛兩虛。木氣乘脾。而不健運。津液化爲痰飲。衛氣逆而化火。痰火上溢。則胃反嘔吐。故用人參甘溫。滋潤補養脾胃。合蜜潤燥而生營衛。半夏滌飲下逆。而退其標。水蜜和揚。二百四十遍。取其性柔。以養胃陰而不燥也。

大半夏湯

半夏

二升洗

人參

三兩

白蜜

一升

右三味以水一斗二升和蜜揚之二百四十遍。煮藥取二升半。溫服一升。餘分再服。

食已卽吐者、大黃甘草湯主之。

外臺又治吐水。

此偏火盛之方也。木火之邪結於腸胃。血分氣反逆於胸膈。以故食已卽吐。經謂胃主血。所生病。故用大黃以破血分之熱。甘草以調胃氣。俾腸胃通而食下。則不吐矣。此方脾胃乾結者宜之。當與上不可下之條反覆互看。始得仲景前後之意。

大黃甘草湯

大黃

四兩

甘草

一兩

右二味以水三升、煮取一升、分溫再服、胃反吐而渴欲飲水者、茯苓澤瀉湯主之。



此外風乘胃脾虛成飲之方也。風氣通肝木盛制土脾胃氣鬱而反上逆則爲胃反。然吐則痰飲去而風火熾盛胃津枯燥以故吐而渴欲飲水。但木旺土衰則水寡於畏腎水反溢爲飲。治當健脾以除伏邪宿飲。故以薑桂朮草健脾和營衛而驅邪外出。苓澤滲導胃腎之餘飲也。

茯苓澤瀉湯 外臺治消渴脉絕胃反者有小麥一升

茯苓 半觔

澤瀉 四兩

甘草 二兩

桂枝 二兩

白朮 三兩

生薑 四兩

右六味以水一斗煮取三升內澤瀉再煮去滓取

二升半溫服八合日三服

吐後渴欲得水而貪飲者文蛤湯主之兼主微風脈  
緊頭痛

此亦風邪入胃之方也木火內燔乘入於胃而無  
痰飲相挾風火上升則吐傷其津液餘風未散故  
吐後渴欲得水而貪飲乃外水不能制其胃燥也  
故用文蛤鹹寒清熱軟堅散結以麻杏甘石清散  
在裏餘邪而通熱鬱薑棗以和營衛蓋脈緊爲寒  
壅頭痛麻黃散寒所以兼主之

文蛤湯

支蛤

五兩

麻黃

甘草

生薑

各三兩

石膏

五兩

杏仁

十箇

大棗

十二枚

右七味以水六升煮取三升溫服一升汗出即愈

噦

噦而腹滿視其前後知何部不利利之即愈

此明實噦之治也噦者俗謂呃也邪傳於胃正邪  
壅遏氣逆上衝於肺肺不受觸轉還入胃兩氣相  
搏則爲噦矣靈樞謂故寒氣與新穀氣俱還入胃  
新故相亂真邪相攻氣並相逆復出於胃爲噦明  
是胃邪壅逆衝肺耳然肺氣不達下焦則二便不

利以故噦而腹滿，卽當視其何部不利而利之。卽愈。蓋利前部者利小便也，使膀胱氣化而肺氣則得下達。利後部者卽通大便也，使大腸氣通則肺氣得下，俾二氣通調，胃氣得轉，故利之則愈。

病人胸中似喘不喘，似嘔不嘔，似噦不噦，徹心中憤憤然無柰者，生薑半夏湯主之。

此形寒飲冷傷肺而挾痰也，似喘不喘，似嘔不嘔，似噦不噦，誠不是喘，不是嘔，不是噦也。徹者通也，僅是通心中憤憤然無柰，卽泛泛惡心之義也。因形寒飲冷，肺家受寒，內挾痰飲，搏聚胸膈之間，所

以生薑溫肺散寒，半夏滌飲俾寒散而痰飲下降，憤憤然無柰即止矣。蓋生薑半夏湯與小半夏湯何異，但小半夏湯主滌痰飲，所以半夏爲君，此因形寒飲冷傷肺，以生薑汁再煎溫肺散寒爲君，故名生薑半夏湯也。

生薑半夏湯

生薑 一觔

半夏 半升

右二味以水三升煮半夏取二升內生薑汁煮取一升半小冷分四服日三夜一嘔止停後服  
乾嘔噦若手足厥者橘皮湯主之

此木邪臨胃致噦卽呃而乾嘔也丙無痰飲相攻木邪乘胃而胃氣不伸故作乾嘔胃邪衝肺則噦胃氣鬱逆不佈四肢則手足厥然脉必沉實有力是非沉遲虛寒之比故用橘皮生薑味辛氣溫宣散胃家壅逆之氣爲主俾胃氣佈行四肢則嘔噦止而厥自退經謂木鬱達之是也

橘皮湯

橘皮

四兩

生薑

半斤

右二味以水七升煮取三升溫服一升下咽卽愈噦逆者橘皮竹茹湯主之

此胃虛受邪致噦也。胃虛受邪，挾痰衝肺，則噦然。胃氣雖虛，是非虛敗。噦逆，但是胃中邪氣不散，故以人參、甘草養胃和中，薑棗補胃而宜通中。上三焦營衛，俾中氣和而肺氣自能散布。竹茹善清風邪，胃熱能消熱痰。橘皮以散胃逆之氣。

橘皮竹茹湯

橘皮

二觔

竹茹

二升

大棗

三十枚

生薑

半觔

甘草

五兩

人參

一兩

右六味以水一斗，煮取三升，溫服一升，日三服。論曰：噦逆病有胃虛痰火瘀血虛寒實熱胃絕諸

證此上僅言外感風寒乘胃氣壅所致餘皆未盡  
慎勿一途論治

下利

夫六腑氣絕於外者手足寒上氣脚縮五臟氣絕於  
內者利不禁下甚者手足不仁

此下利將絕之徵但重於胃腎也六腑爲陽氣行  
於外蓋胃爲衆腑之源而源氣衰陽不充於四肢  
則衆腑之陽亦弱故手足寒土氣脚縮卽陽虛而  
現諸寒收引之象也諸臟屬陰藏而不瀉然五臟  
之中腎爲衆陰之主真陽所寄之地但真陽衰微



則五臟氣皆不足。胃關不閉。瀉而不藏。則利不禁。而下甚甚者。陽氣脫而陰血痺。着不行。故手足不仁。此仲景本意。欲人治下。必以脾腎爲要也。

下利清穀不可攻其表。汗出必脹滿。

下利脈沉而遲。其人面少赤。身有微熱。下利清穀者。必鬱冒。汗出而解。病人必微厥。所以然者。其面戴陽。下虛故也。

下利手足厥冷。無脈者。灸之不溫。若脈不還。反微喘者。死。少陰負趺陽者。爲順也。

下利腹脹滿。身體疼痛者。先溫其裏。乃攻其表。溫裏

宜四逆湯攻表宜桂枝湯

下利後脈絕手足厥冷時脈還手足溫者生脈不還者死

下利清穀裏寒外熱汗出而厥者通脈四逆湯主之  
下利脈沉弦者下重脈大者爲未止脈微弱數者爲欲自止雖發熱不死

下利有微熱而渴脈弱者令自愈

下利脈數有微熱汗出令自愈設脈緊爲未解

下利脈數而渴者令自愈設不差必圖膿血以有熱故也

下利脉反弦發熱身汗者愈

下利寸脉反浮數尺中自濇者必圉膿血

下利譫語者有燥屎也小承氣湯主之

熱利下重者白頭翁湯主之

下利後更煩按之心下濡者爲虛煩也梔子豉湯主

之

以上方註皆見厥陰篇

下利氣者當利其小便

此卽利而失氣也木邪乘胃邪正兩實之氣陷滯腸間下逼失氣謂下利氣內經風淫於內得後與氣則快然如衰之義然腸間之氣鬱而不得上行

故利小便，乃使肺氣下通於膀胱，而大腸之氣則得下行於肺，胃氣不下，迫利氣自止，故當利其小便也。

氣利，訶梨勒散主之。

此下利氣之方也。前云當利小便，此以訶梨勒味。性溫，反固肺與大腸之氣，何耶？蓋欲大腸之氣不從後洩，則肺旺木平，氣走膀胱，使小便自利。正爲此通則彼塞，不用淡滲藥而小便自利之妙法也。

訶梨勒散

訶梨勒

十枚

右一味爲散、粥飲和頓服、

下利三部脉皆平、按之心下堅者、急下之、宜大承氣

湯、

方見瘕病

此傷食下利也、脉來不數不遲、不浮不沉、和緩如常、乃爲土氣冲和、則爲無病、此三部脉皆平、下利而按之心下堅者、脉證不符、是非風寒所屬、當責食填胃中、未傷血氣而不形於脉也、故用大承氣湯、峻攻有形之滯、則下利自止、經謂土鬱奪之、通因通用之法也、

下利脉遲而滑者實也。利未欲止急下之宜大承氣湯。

此亦食滯之利也。食壅於胃氣道不利故脉來遲然脉雖遲而非虛寒之比。但遲爲氣壅滑爲血實。血實氣壅水穀爲病故爲實也。內滯中氣不和利未欲止但恐土實而傷腎水。水淺漸成停擱之患。故宜大承氣湯急奪其邪也。

下利脉反滑者當有所去下乃愈宜大承氣湯。

此亦食壅致利也。若因風寒下利脉必數疾。若屬虛者脉必遲澹微弱。此反見滑水穀爲病乃屬有。

餘曰當有所去宜用大承氣奪之

下利已瘥至其年月日時復發者以病不盡故也當下之宜大承氣湯

此舊積之邪復病也下利瘥後至期年月日時復發者是前次下利之邪隱僻腸間今值臟腑司令之期觸動舊邪而復發然隱僻之根未除終不能愈故當大承氣迅除之耳

下利肺痛紫參湯主之

此木邪挾火刑金之方也風木挾火刑金肺氣壅而不利卽胸中痛氣不利而水走後陰臟邪移腑

故肺痛而下利，猶如肺癰，欬卽胸中隱痛之類也。故用紫參苦寒，能通血氣而治肺痛。本草謂主心腹積聚，寒熱之邪，好古謂治血痢，以此散瘀止痛。甘草以調中氣而清熱，則痛利自止。

紫參湯

紫參

半觔

甘草

三兩

右二味，以水五升，先煮紫參取二升，內甘草煮取一升半，分溫三服。

下利便膿血者，桃花湯主之。

方註見少陰篇

附方



千金翼小承氣湯治大便不通，噦數譫語，傷寒厥陰篇中下利譫語利而有燥屎，以通因通用，用小承氣湯輕利和中，此燥屎內結大便不通，壅逆胃邪上行而噦數譫語，所以亦宜輕利和中，而滌熱開結也。

外臺黃芩湯治乾嘔下利。

木火熾盛，橫格中焦，邪氣上逆，則爲乾嘔，逼迫水穀下奔，則爲下利。然木火上逆下逼，故用人參大棗和養脾胃之氣，半夏乾薑滌痰溫中，而止嘔逆。以黃芩專清風化之熱，桂枝宣和營衛而和氣也。

黃芩

人參

乾薑

各三兩

桂枝 一兩

大棗

十二枚

半夏

半升

右六味以水七升煮取三升分溫三服

張仲景金匱要畧卷十八

構李沈明宗目南甫編註

瘡癰腸癰

諸浮數脉、應當發熱、而反灑淅惡寒、若有痛處、當發其癰、師曰、諸癰腫、欲知有膿無膿、以手掩腫上、熱者爲有膿、不熱者爲無膿、

此辨癰疽陰陽脉證也、諸浮數脉、似乎外感風熱、在表、然風邪應當發熱、而反灑淅惡寒、且有痛處、乃營氣不從邪氣逆於肉理、疑滯氣血而發癰也、見癰腫既成、欲知陰陽、則能定治、故以手按腫上、

熱者乃邪熱壅氣所成而屬陽火熱腐化血肉故  
知有膿不熱者乃陽氣衰微陰寒凝滯氣血肌肉  
堅硬不仁而屬陰不能腐潰血肉則知無膿矣蓋  
熱與不熱是驗陰陽之大法兼互成膿未成膿之  
辨也

腸癰之爲病其身甲錯腹皮急按之濡如腫狀腹無  
積聚身無熱脉數此爲腸內有癰薏苡附子敗醬散  
主之

此出腸癰證與方也風寒感入軀殼之裏大小腸  
間壅逆氣血營衛不利則成腸癰若婦人經產瘀

血不盡亦可成之。然瘀血成癰，不充皮膚肌肉，故身甲錯。甲錯者，肌膚猶如風乾魚鱗之狀也。癰成於腸內，氣壅逆則腹脹滿而腹皮急，腸癰不在軀殼，故按之濡，猶如腫狀。腹無積聚者，言腹中素無血癥癥痞，不由內疾之變，又無表症，謂身無熱，但得脈數，則內癰毒盛，當識其腸內有癰矣。若見諸證，腹中必然痛楚不堪，卽是腸癰之徵，故用薤苳清燥腸中濕熱而破壅腫，敗醬善排瘀血爲膿，而利結熱之標，因感外寒成癰，所以附子行陽散寒，破其壅滯之本耳。

薏苡附子敗醬散

薏苡仁

十分

附子

二分

敗醬

五分  
即苦菜

右三味、杵爲末、取方寸匕以水二升煎減半頓服、  
小便當下

腫

當作腸字

癰者、少腹腫痞、按之卽痛、如淋、小便自調、時

時發熱、自汗出、復惡寒、其脈遲緊者、膿未成、可下之、

當有血、脈洪數者、膿已成、不可下也、大黃牡丹皮湯

主之、

前言腸癰始起之辨、此成膿未成膿之脈與方也、  
腸癰始起必因風寒入內、壅逆氣血而成其形、然

腸居小腹，故少腹腫痞，而小腸乃多血，少氣，通於前陰。按之內着於癰，所以卽痛。氣攻小便，則如淋也。但內癰成於血結，不犯膀胱氣分，故小便自調。然心與小腸爲表裏，小腸有癰，心火逆鬱不散，則時時發熱而自汗出，熱收於內，故復惡寒矣。若寒邪未隨血內變膿，脉尚遲緊，可下瘀血。洪大者，邪已隨血變化爲膿，不可下，而再傷腸胃之氣，宜攻膿破血消癰。故以丹皮、桃仁、辛涼破血行瘀，合大黃、芒硝破其血分之結，冬瓜子散熱下氣，設有膿使從大便而去，無膿則下血矣。

大黃牡丹湯

大黃 四兩

牡丹 一兩

桃仁 五十個

瓜子

半升即冬瓜子

苡硝

三合

右五味以水六升煮取一升去滓內苡硝再煎沸頓服之有膿當下如無膿當下血

排膿散

腸癰必起於邪壅氣血而成壅氣爲熱蒸腐血肉成膿故以雞子黃芍藥耑補陰血之正桔梗開提肺氣而下行枳實以宣腸胃氣結俾氣利則膿成毒化故爲排膿散也



枳實

十六枚

芍藥

六分

桔梗

一分

右三味杵爲散、取雞子黃一枚、以藥散與雞黃相等揉和、令相得、飲和服之、日三服、

### 排膿湯

腸癰乃屬大小腸受病、故用甘桔善走手足陽明、開提諸氣而宣行解毒、以薑棗通調管衛而排血爲膿、蓋此兩方、端治軀殼之內、腸胃之癰而設、餘註謂概治瘡癰之方、則混言矣、

甘草

桔梗

各二兩

生薑

一兩

大棗

十枚

右四味、以水三升、煮取一升、溫服、五合、日再服、

金瘡

問曰、寸口脉浮微而濇、法當亡血、若汗出、設不汗出者、云何、若身有瘡、被刀斧所傷、亡血故也、

此亡血汗家金瘡、皆有濇脉、當以證別也、寸口卽兩手之脉、皆屬手太陰也、浮爲血虛、微爲氣弱、血虛氣弱、脉則浮微、謂當亡血、然亡血陰虧、氣不獨行、所以脉濇也、蓋汗家液傷、氣滯、脉亦見濇、若不汗出而脉濇、是金瘡去血之脉濇、謂被刀斧所傷、亡血故也、

病金瘡、王不留行散主之、

此金刃所傷皮肉筋骨故爲金瘡乃屬不內外因  
因傷而血去氣滯不能統血灌於皮肉脉絡所以  
脉清然氣血得行則瘡口易合故用王不留行苦  
平通利血脉能止金瘡之血而逐痛刺毒主折傷  
續筋骨通血脉但金瘡當取生氣爲本故利肺氣  
卽諸氣長而血自生俾血生則灌續於脉絡瘡口  
易能收斂故用桑東南根乃得生氣而生氣血燒  
灰存性取黑色而能止血甘草補脾胃而和營衛  
椒薑溫養氣血得煖則行諸經筋脉以厚朴導導  
內鬱之氣芍芍以清氣滯之熱而溫補宜行所以

產後亦用。若風寒乃經絡爲病，當以發散爲主。桑根下降，故勿取之。

王不留行散

王不留行

八月八日採

蒴藿細葉

七月七日採

桑東南根

白皮各十分，三月三日採

黃芩

二分

川椒

三分，除日及湖口去汗

甘草

七分

厚朴

乾薑

芍藥

各二分

右九味，桑皮以上三味燒灰存性，勿令灰過，各別杵篩，合治之爲散，服方寸匕，小瘡卽粉之，大瘡但服之，產後亦可服，如風寒，桑根勿取之，前三物皆

陰乾百日

浸淫瘡

浸淫瘡從口流向四肢者可治從四肢流來入口者不可治浸淫瘡黃連粉主之

方未見

此卽脫疽遊丹之類也邪熱蘊積臟腑營衛之間從內而發浸淫於皮膚肌肉爲浸淫瘡也從口流向四肢者熱毒自從六腑外洩於肌肉皮膚漸走四肢治從外解故爲可治若從四肢流來入口熱毒先走經絡行於四肢復散肌皮歸於臟腑內外充斥傷殘真氣故不可治然黃連一味爲粉外敷

內飲而解流向四肢之毒非流來入口之方也

張仲景金匱要畧卷十九

構李沈明宗目南甫編註

跌蹶手指臂腫轉筋狐疝虻蟲

師曰病跌蹶其人但能前不能卻刺膻入二寸此太陽經傷也

此跌蹶當辨經絡而治也人身足陽明脈絡於腿外側之前太陽脈絡於腿外側之後少陽脈絡於腿外側之中也夫跌而致蹶者足不能行也然不能行又當辨其前後治之但能前者陽明無傷也不能卻者乃不能後抵太陽經脈受傷也當刺膻

入二寸、臑者即小腿肚、本屬陽明、乃太陽經絡所過之處、與陽明經氣會合於陽承筋間、故刺之、使太陽陽明氣血和而無滯、則前後如常矣。

病人常以手指臂腫動、此人身體痲痲者、藜蘆甘草

湯主之。

方未見。

此治手臂病而出方也、手之五指、乃屬肺大腸心包三焦、心與小腸、腎者統屬手之六經、但臂外屬三陽、臂內屬三陰、陽經從指走頭、陰經從胸走手、若手指腫動、則當依經而治、臂腫而動者、當責手足太陽陽明之經、乃被風痰搏擊所致、蓋足太陰



脾主濕而爲生痰之源。風邪內襲，風濕煽化爲痰。氣虛不充，肌肉故身體憊憊。憊者，肌肉蠕動也。而肺爲貯痰之器，因脾之風痰上溢於肺，隨經走臂。痰氣壅逆，經隧故手指臂腫邪正搏擊，氣搖則動也。方雖未見，詳甘草和中，藜蘆善吐風痰，俾痰去則經氣疏通而腫動自愈。此補痰飲走經隧之未備也。

轉筋之爲病，其入臂脚直，脉上下行微弦，轉筋入腹者，雞屎白散主之。

此木土不和，風邪而轉筋也。風邪乘於脾胃，風濕

相搏以故表裏皆病。若風濕盛於經表，則臂脚直。脉上下行而微弦，經謂諸暴強直，皆屬於風。亦風淫末疾之義也。或中氣虛而木邪內逆，直攻於臟，則轉筋入腹。當以雞屎白下氣消積，去風安脾之治，非治臂脚直之方也。

雞屎白散

雞屎白爲散，取方寸匕，以水六合，和溫服。

陰狐疝氣者，偏有小大，時時上下，蜘蛛散主之。

此外腎舉丸之病也。陰狐疝氣，乃陰陽之氣偏虛受邪，故偏有小大。時時上下，卽縮入兩跨，如狐行。

狀陰出陽沒之不定，由肝腎血虛氣弱，感受風濕，所注之處爲病也。故用蜘蛛，少腹抽絲者，能引入肝，通經攻毒，而勝風濕。桂枝行陽化氣，以伐肝腎之邪，俾陽氣盛而陰狐自退矣。

### 蜘蛛散

蜘蛛

十四枚  
熬焦

桂枝

半兩

右二味爲散，取八分，一匕飲和服，日再服，蜜丸亦可。

問曰：病腹痛有蟲，其脈何以別之？師曰：腹中痛，其脈當沉若弦，反洪大，故有蛇蟲。

此虻蟲腹痛之脈也。腹痛病因感風寒者多。若寒邪入裏，脈當沉緊。風邪在腹，衛氣內結，脈當沉弦。今反洪大，即當肌表發熱而反腹痛，是與脈證不合。知非風寒，當責之虻蟲所致。若四時腹痛病而不見風寒之脈，當責虻蟲治也。

虻蟲之爲病，令人吐涎心痛，發作有時，毒藥不止，甘草粉蜜湯主之。

此虻蟲心痛證與方也。上條謂脈反洪大，乃胃中熱濕蒸化爲蟲。若風寒致痛，即當連綿不絕而不吐涎。此因虻蟲行於上脘，壅塞氣道不通，令人吐

涎心痛蟲下則不痛故發作有時或壅下脘卽作  
腹痛可知矣然攻擊風寒猛烈峻劑而爲毒藥非  
殺蟲之品故痛不止此用白粉殺蟲甘草合蜜和  
中安胃草蜜味甜誘開虻口俾其得藥蟲頭下向  
則痛自止矣

甘草粉蜜湯

甘草 二兩

粉 一兩

蜜 四兩

右三味以水三升先煮甘草取二升去滓內粉蜜  
攪令和煎如薄粥溫服一升差卽止  
虻厥者當吐虻令病者靜而復時煩此爲臟寒虻土

入膈故煩須臾復止得食而嘔又煩者虻聞食臭出  
其人當自吐虻虻厥者烏梅丸主之

方註見厥陰篇